


100 լույս կտեսնի ապրիլի 27-ին:

Նորություններ

[Պարտքի եվ պատվի ասպետը \(Ռուբեն Սեվակի ծննդյան 130-ամյակի եվ Ցեղասպանության 100-րդ տարելիցի առիթով\)](#)

Պարտքի եվ պատվի ասպետը (Ռուբեն Սեվակի ծննդյան 130-ամյակի եվ Ցեղասպանության 100-րդ տարելիցի առիթով)




20.02.2015 | 12:09

Նա համոզված էր, որ կայգերական Գերմանիան օսմանյան Թուրքիայի հետ հավասարապես պատասխանատու է միլիոնավոր հայերի նահատակության համար

1945 թ. Նյուրնբերգյան դատավարության մեղադրյալների մեջ էր նաև Մորավիայի և Բոհեմիայի գաուլայտերը, չեխոսլովակյան Լիդիցե գյուղի բնաջնջման հիմնական մեղավոր, բարոն Կոնստանտին ֆոն Նոյրաթը:

Այդպես ընթերցված մեղադրանքների ցուցակը միայն սրանով չէր ավարտվում, այնտեղ բազմաթիվ ուրիշ ոմիրներ էին թվարկվում: Այնուհանդերձ ցուցակը լրիվ չէր, այնտեղ չկային Առաջին համաշխարհային պատերազմի ընթացքում գործված նրա հանցանքները և հատկապես դրանցից մեկը, որն ուղղակիորեն առնչվում էր Ռուբեն Սևակի ծակատագրին: Կապույտ արյուն ունեցող այս ոմրագործը Հիտլերի մտերիմ և հավատարիմ համախոհներից մեկն էր: 1915-ին, երբ կայգերական Գերմանիայի հյուպատոսն էր Կոստանդնուպոլսում, բանաստեղծի ծակատագրի բառացիորեն նրա ձեռքին էր, և կարող էր նրան փրկել ստույգ մահից, բայց գիտակցված և նախազգուշացված ուշացրեց իր միջնորդությունը իրենց խամաճիկների՝ թուրք շխանությունների առջև: Կայգերական վարչապետին հասցեագրված իր գեկուցագրում ֆոն Նոյրաթը գրում էր. «Ռուբեն Սևակը համարվում է այն մտավորականներից մեկը, որը զանգվածների վրա մեծ ազդեցություն ունի, և դա վախեցնում է իշխանություններին»:



Ազնվական դիվանագետը գրեթե բառացիորեն կրկնում էր թուրք շուլինիստ մտավորական Հալիդե Էդիպի խոսքերը՝ ասված տիկին Յաննի Սևակին. «Դու կտոր Սևակը մեծ ազդեցություն ունի հայ ժողովրդի վրա, իր խոսքերով, իր գրություններով կարող է հայ ժողովրդին ոտքի հանել: Սա է նրա հանցանքը»:

Այս առումով երիտրուրքերի կառավարությունն իսկապես լուրջ երկուղներ կարող էր ունենալ երեսուն տարին նոր բոլորած բանաստեղծ Ռուբեն Սևակից կամ դոկտոր Ռուբեն Չիլինկիրյանից, որն ընդամենը մեկ տարի էր, ինչ Լոզանից ժամանել էր Կ. Պոլիս և կարծ ժամանակվում դարձել այն մտավորականներից մեկը, որի հանդեպ մեծ հավատ էր տածում ժողովուրդը: Դրա գաղտնիքը, թերևս, նրա ստեղծագործության և մարդկային նկարագրի զարմանալի միասնության մեջ է, երբ բանաստեղծը, իր իսկ խոսքերով ասած, «կնայրի մեռնելով, կմեռնի անմահ»: Ժամանակակիցներից շատերի վկայություններն են պահպանվել նրա՝ մտավորականի և մարդու հազվագյուտ հմայքների մասին: Նշանավոր Թեոդիկը, «Ամենուն Տարեցույց»-ի իր ակադեմիկոս խմբագիրը, այսպես է բնորոշել Ռ. Սևակին. «Արենա իմաստության շիթը դրած է անոր ուղեղին մեջ, էսկյուլպա բժշկության խորհուրդը, շերմես ակ կայծը պերճախոսության»:

Սևակի կյանքը և ստեղծագործությունը բարոյականի և գեղեցիկ բացառիկ համերաշխության օրինակ են: Նա մաքսիմալիստ էր ամեն ինչում: Մանրամասն ծանոթանալով նրա կենսագրությանը, զարմանում ես, թե ինչպես է կարողացել դժվարին ժամանակներում կատարելապես մաքուր պահել և՛ իր խիղճը, և՛ իր գրիչը որևէ կոմպրոմիսից: Փայլուն ավարտելով Նշանավոր Պերպեյրյան վարժարանը, 1905 թ., քսան տարեկանում, մեկնում է Լոզան՝ տեղի համալսարանում բժշկություն ուսանելու: Իր ուշիմությամբ, ջանասիրությամբ և ակնառու ձիրքերով անմիջապես գրավում է դասախոսների ուշադրությունը: Մի քանի տարի շարունակ



ԱՄՈՒՄ ԵՆ...

- Այսօր են Նիկոլի «Իրազն քաղաքացիների միություն»-ի 25-ի հանգանակալու ժողովը:
- Այսօր են Նիկոլի «Իրազն քաղաքացիների միություն»-ի 25-ի հանգանակալու ժողովը:
- Այսօր են Նիկոլի «Իրազն քաղաքացիների միություն»-ի 25-ի հանգանակալու ժողովը:

ԻՐԱԴԱՐԱՑԱՆ

Սևակը հեռնից
 Մի քանի շաբաթ առաջ Գյումրի Կարապետյանի ղեկավարած կառավարությունը որոշեց 2,2 նախագահի աշխատակազմի ենթաազգություն «Կոնգի առանձնատների տնտեսություն»-ի 1004-ի հաշվեկշիռում ամբողջական 6-րդ մասնաշենքի մեջ մտնող շենքը և շինությունները՝ սպասարկման տարածքով՝ (1.5385 հա) հետ վերցնել և սեփականության:

Like 3 |

համարվում է համալսարանի առաջին ուսանողը, նրան մեծ ապագա են խոստանում բժշկության ասպարեզում: Սակայն զուգահեռ ուրիշ տաղանդներ են զարգանում և բացահայտվում: Եվրոպայի սրտում, քսաներորդ դարասկզբի անկումային գեղագիտության համատարած և իշխող մթնոլորտում ծնվում և հաստատվում է արվեստագետ, միաժամանակ քաղաքագետ բանաստեղծը: Նորին քնարականությամբ համակված տողերի կողքին կարողում ենք քաղաքացիական հզոր շնչով հագեցած բանաստեղծություններ, որոնք ոչ միայն վկայում են հաճախում, ժամանակի հրատապ խնդիրներով մտահոգ բանաստեղծի տաղանդը, այլև քաղաքագետ մտավորականի հեռատեսությունը: Իր եղերական մահից մոտ վեց ամիս առաջ, կյանքի չորրորդ տասնամյակը՝ նոր-նոր ոտք դրած, հայկական, թե համեմելոպական առումով գրական բարձր արժեքներ ստեղծած գրողն այսպիսի տողեր էր շարադրում իր օրագրում. «**Վաղվցնե սկայալ պիտի ջանամ ըլլալ այն, ինչ որ եմ. որովհետև այն, ինչ որ եմ ինձ կրվի, թե ավելի բարձր է, քան այն, ինչ որ կերևամ**»:

Սա միայն կատարելության անդադար ձգտման, շինիչ խտրապահանջության արտահայտությունը չէ, որ պարտադիր կերպով պետք է բնորոշ լինի ամեն մի իսկական տաղանդին: Մեջբերված տողերն այս ամենով հանդերձ, Ռ. Սևակի պարագայում, նաև ուրիշ խորհուրդ են պարունակում, որը ճիշտ մեկնելով, գուցե բանալին գտնենք՝ առավել խորությամբ հասկանալու բանաստեղծի բացառիկ ճակատագիրը և ստեղծագործությունը:

Ռեալությունն դարձնենք նրա կենսագրության մի հետաքրքիր առանձնահատկությանը. նրա կյանքի առաջին տասնամյակը կարելի է բնորոշել ընդամենը մեկ բառով. թրջախոս: Չիլինկիրյանների ընտանիքում գործածական է եղել միայն թուրքերենը: Հայրը՝ Հովհաննես աղան, անգիր իմացել է ամբողջ «ժամագիրքը», «Նոր կտակարանը», հայատառ թուրքերենով նամակներ է գրել որդուն, բայց հայերեն չի խոսել: Ինչպես փոքրիկ Սողոմոնի, այնպես էլ Ռուբենի համար հայերենը պիտի դառնար հայտնագործված, ձեռք բերված, վերադարձված լեզու, և գուցե պատահական չէր, որ հետագայում նրանք այնքան մտերմացան, որ Կոմիտասը դարձավ Ռ. Սևակի դստեր՝ Շամիրամի կնքահայրը: Երկրորդ տասնամյակն ամբողջությամբ նվիրված է եղել հայերենի վերանվաճմանը: Ռեալական երեք հաստատություններ անցնում է հաջորդել են իրար, որոնցից ամենակարևորը և վճռորոշն է եղել նշանավոր Պեդպեդյան վարժարանը: Ռ. Սևակն այստեղ, մի շարք առարկաների յուրացման հետ միաժամանակ, կարողացավ հայագիտական բարձրակարգ կրթություն ստանալ: Ավելին, իր ուշիմությամբ, իր մտավոր արտակարգ կարողություններով, դարձավ նշանավոր մանկավարժ Ռեթեոս Պեդպեդյանի սիրելի աշակերտներից մեկը: Եվ, վերջապես, նրա խորհրդով, 1905 թ. հոկտեմբերին, ապագա բանաստեղծը մեկնեց Շվեյցարիա՝ բժիշկ դառնալու:

Այս տասնամյակը ոչ միայն բնորոշվում է որպես վերադարձ ակունքներին, այլև, կարծում ենք, որ ազգային ինքնության վճռական, արագացված վերականգնումի ընթացքում, ապագա բանաստեղծի նկարագրում հիմնավորապես հաստատվել է ազգային արժանապատվության առավել քան սրացված գիտակցումը, հայ լինելու հպարտությունը և պատասխանատվությունը: Այս տասնամյակը նաև յուրատեսակ մրցում է եղել ժամանակի հետ, քանի որ մեկ տարին դառնում էր երկու: Միայն այս կերպ կարող էր ոչ միայն վերադարձնել թրջախոսության կորուսյալ տարիները, այլև առաջ անցնել ժամանակից: Եվ որպեսզի ճիշտ խմբագրեր անցյալը, նա պիտի ճիշտ հասկանար ներկան և կուսեր ապագան: Այս մրցումը ժամանակի հետ, ի վերջո, պիտի հանգեցներ ժամանակից առաջ անցնելուն, ինչը դարձավ նրա կարճատև կյանքի երրորդ տասնամյակի ամենաբնորոշ գիծը:

Ռ. Սևակը միակն էր ոչ միայն գրողների, այլև գուցե հայ քաղաքական գործիչների մեջ, որ 1909 թ. կիլիկյան աղետից հետո հստակ կանխատեսեց դեպքերի հետագա զարգացումը: Եվ զգայուն արվեստագետի նրա տաղանդները վերաբերում էին ոչ միայն հայ, այլև եվրոպական իրականությանը: Նրա բանաստեղծություններում, հողվածներում և նամակներում կարող ենք գտնել բազմաթիվ տողեր, որոնք վկայում են, որ մարգարեացած բանաստեղծը կանխատեսել է ոչ միայն Հայոց մեծ եղեռնը, այլև աշխարհակործան պատերազմը:

Այս կանխատեսումներին զուգահեռ, նրա տողերում համալսակի հայտնվող մահվան ուրվականը միայն տուրք չէր իր ժամանակի գեղագիտությանը, այլև մարդկության, իր ժողովրդի, վերջապես իր գլխին կախված անխուսափելի մի սպառնալիք:



Հարց է ծագում՝ Ռ. Սևակն ինչո՞ւ թողեց պատերազմի արհավիրքներից հեռու չեզոք Շվեյցարիան և վերադարձավ ծննդավայր, երբ այդպիսի հստակությամբ տեսնում էր «Պղտ մղձավանքը... Սողոմի մուխն ու Գոմորի բոցը»,- ինչպես գրում էր իր նամակներից մեկում դեռևս 1911 թ.:

Հստակ կանխատեսելով այս ամենը, Սևակն շտապեց վերադառնալ, քանի որ նրա տեսակի մարդը, մտավորականը, նրա նման ազնվական բանաստեղծը չէր կարող չվերադառնալ, իր ժողովրդի հետ չլիսել իր իսկ կանխատեսած արհավիրքները: Նա ստեղծագործողի այն հազվագյուտ տեսակից էր, ովքեր ոչ միայն խոսքով, այլև գործով են ապացուցում բանաստեղծի և ժողովրդի ճակատագրերի միասնությունը:

Ռ. Սևակը դեռևս 1914 թ. նոյեմբերին կանչված էր օսմանյան բանակ, որպես գինվորական բժիշկ՝ կապիտանի աստիճանով: Ապրիլի 24-ի ծերրակալվածների մեջ նա չկար, նրան արտոնեցին ավելի ուշ: Ասում են՝ այս համաճարնը չափազանց ծանր է տարել: Ժամանակակիցներից մեկը պատմում է, որ մայիսի սկզբներին հանդիպել է Սևակին, և նա ասել է. «Մեզի ամոթ չէ՞, որ հոս ենք»:

Նրան արտոնեցին ավելի ուշ, նույն տարվա հունիսի վերջին: Աքտրավայրն էր Անկարայից հյուսիս ընկած Չանղրի կոչված գյուղաքաղաքը, որտեղ Դանիել Վարուժանի և ուրիշ հայ մտավորականների հետ երկու ամիս պիտի անցկացնեք մինչև իր ողբերգական մահը:




ՄԻՋԱԳԱՅԻՆ



[Հայ կուսակազմի քուգահեռներ](#)

Like 1 0+ 0+ 0+

ՄՇԱԿՈՒՅՔ



[Խաչատուր ԴԱՄԱՅԱՆ, ...Հարեմիսը ամեն ասելիս ինք պիտե՛](#)

Like 285 0+ 0+ 0+

ԾԱՂԱՆԿԱՐՁԻ ԿՄԻՏԵ



[Անհաշտ ընդդիմության օտարաբանյան ելքվածքը](#)

...Պատմում են, որ Սևակը, ի թիվս այլ հիվանդների, բուժում և փաստորեն մահվան ճիրաններից փրկում է տեղի երևելիներից մեկի տասնութամյա աղջկան: Հաջողությամբ ապաքինված հիվանդը սիրահարվում է իր գեղեցկադեմ փրկարարին: Հայրը յուրովի փորձում է շնորհակալություն հայտնել: «**Դուկողոր, ասում է նա,- դուք բոլորդ դատապարտված եք, բոլորդ պիտի մեռնեք: Բայց եթե ուզես, քեզ կարող եմ փրկել: Եթե համաձայն ես մահմեդականություն ընդունել և աղջկաս հետ ամուսնանալ, ապա կազատեմ քեզ, եթե ոչ՝ փրկություն չունես**»:

Սևակի ընկերները փորձում են համոզել, որ համաձայնի, հիշեցնում են նույնիսկ Վարդանանց առեքես ուրացումը: Սակայն նա անդրդվելի է մնում: 1915 թ. օգոստոսի 26-ին Ռուբեն Սևակը և Դանիել Վարուժանը զազանաբար մորթվում են չեթենների ձեռքով: Մարդասպանների մեջ էր նաև հայրն այն աղջկա, որին Սևակը փրկեց մահից:

Ռ. Սևակի դիմանկարը թերի կլինի, եթե շխտեց գերմանացի գնդապետի դուստր Յաննի Ապելի մասին, որը հետագայում պիտի դառնար Յաննի Չիլինկիրյան-Սևակ: Էրֆուրտցի այդ գեղեցիկ աղջիկը միայն սեր, միայն կին և միայն կյանքի ընկեր չէր նրա համար: Նա այդ բոլորն էր և դրանցից էլ վեր մի բան: Դժվար է ասել, թե ինչպիսին կլինեի Սևակ բանաստեղծի և մարդու ճակատագիրն առանց Յաննիի: Սերը նրանց այնպես էր միացրել, որ բանաստեղծն իր նամակներից մեկում գրում էր. «Ռիբեն, ես դուն եմ»: Մոտավորապես նույն միտքը Տերյանը պիտի արտահայտեր այսպես. «Ես էլ դու եմ, ես չկամ»: Ամուսնու ձերբակալությունից անմիջապես հետո Յաննիին շտապում է Պոլսի ոստիկանապետ Բեդրի բեյի մոտ: Բայց տեսնելով, որ այստեղից ոչ մի սպասելից չկա, դիմում է ուղղակի գերմանական դեսպանատուն: Սակայն օգնության փոխարեն այսպիսի բառեր պիտի լսեր դեսպան ֆրն Վանզենհայմից. «**Դու, թշվառական գերմանուհի, լքեցիր ազգդ, ամուսնացար այդ հայի հետ և հիմա եկել խնդրում ես, որ ազատե՞մ նրան: Նա հետ չի դառնալու, նրանք գնացել են մեռնելու**»:

Ի պատասխան, Յաննիին, արժանապատիվ վրդովմունքով, դեսպանի երեսին է շարում իր գերմանական անձնագիրը:

Տիկին Սևակը հետագայում իսկապես հրաժարվեց գերմանական հպատակությունից և իր զավակների՝ Ատոնի և Շամիրամի հետ հաստատվեց Ֆրանսիայում: Նա մինչև կյանքի վերջը Գերմանիա չգնաց, անգամ իր ծննդավայրը: Մինչև կյանքի վերջը շխտեց գերմաներեն, իսկ զավակներին արգելեց գերմաներեն սովորել: Նա համոզված էր, որ կայգերական Գերմանիան օսմանյան Թուրքիայի հետ հավասարապես պատասխանատու է միլիոնավոր հայերի նահատակության համար:

Պահպանվել են նրանց ընդարձակ նամակագրությունը, մոտ երեք հարյուր նամակներ ու բացիկներ: Հայ գրողներից ոչ մեկը սիրո այսպիսի հարուստ և վսեմ վկայություններ չի թողել:

Ռուբեն Սևակի նման ազգային հերոսը պատիվ կրեերդ աշխարհի ուզած քաղաքակիրթ ազգին, և ամեն ինչ կանեն, որպեսզի նրան մեծարելով մեծարեն իրենց: Նա դարձավ մեր ոչ միայն պոետական, այլև, հատկապես, բարոյական հանձարի լավագույն արտահայտությունը: Եվ այսօր, երբ նայում ենք հետադարձ հայացքով, ապա ոչ միայն մեր, այլև XX դարի համաշխարհային գրականության մեջ նրա նման հերոս անձնավորություն գտնում ենք ընդամենը մեկին՝ ծագումով հրեա, լեհ գրող Յանուշ Կորչակին (Չենրիկ Գոլդշմիտ): Դեռևս 1911 թ. Վարչավայրում նա որբանոց էր հիմնել հրեա որբերի համար:

«**Մյուս բոլոր որբանոցները պատրաստում են հանցագործներ, իսկ մենք դատարարակում ենք կոմունիստներ**», գրում էր նա: Որբանոցը գործեց մինչև երկրորդ համաշխարհային պատերազմը և անգամ գերմանացիների կողմից գրավված Վարչավայրում: 1942 թ. օգոստոսի 6-ին, գերմանական իշխանությունների կարգադրությամբ, որբանոցը, տեղին է ասել՝ ուկրաինացի պոլիցայների ձեռքով, բռնի ուղարկվում էր Տրեբլինկայի համակենտրոնացման ճամբար: Գործողությունը ղեկավարող Եվսական սպան հայտնում է Կորչակին, որ կարող է մնալ Վարչավայրում, սակայն գրողը, մանկաբույժը (ինչպիսի՞ գուգաղիպություն), հումանիտոսը, հրաժարվում է այդ առաջարկից և իր սաների հետ գնում մահվան ընդառաջ: 1989 թ. լեհ մեծ կինոբեմադրիչ Անջեյ Վայդան Գերմանիայում նկարահանեց «Կորչակ» ֆիլմը՝ աշխարհին արժանապատվորեն ներկայացնելով մարդկային հանձարի բացառիկ դրսևորումներից մեկը:

Ռուբեն Սևակի կյանքի պատմությունը ծայրեծայր վիպական է՝ բառի բոլոր իմաստներով, ինչը փորձել ենք ապացուցել «Եվ անգամ մահից հետո» վերնագրված մեր վեպում, որը շատ շատերի կարծիքով կարող է հրաշալի նյութ դառնալ բազմասերիանոց ֆիլմի համար (սակայն բնավ ոչ սերիալների՝ արդի կայունացած, հավազեղագիտական հասկացությամբ): Լեհերը քառասունյոթ տարի սպասեցին՝ կինոլեզվով պատմելու համար այդ հերոսական արարքի մասին, իսկ մենք, այս մեկին հաջորդող հարյուրամյակում գոնե կհասկանա՞նք, որ թուրքերը չէ. որ պիտի աշխարհին ներկայացնեն մեր ցեղասպանությունը (անկասի գեղարվեստական որակից) և մահավանդ կասկածելի ճաշակով շինված ու պատրաստված սիրողական ժապավենները: Աստված մեզ վատթարից ազատի... Իսկապես իրավացի էինք, երբ մի երկու ամիս առաջ ասում էինք, թե ճիշտ կլինի, որ Հայաստանում, 100-ամյակին ընդառաջ, ոչինչ չնկարվի:

Յաննի Սևակը, Կ. Պոլսից վերջնականորեն հեռանալիս, իր հետ եվրոպա տարավ ամուսնու ձեռագրերի, լուսանկարների և այլ նյութերի մի մասը: Պակասող մասը հետագայում, հսկայական ջանքեր ու միջոցներ գործադրելով, լրացրեց բանաստեղծի եղբորորդին՝ Հովհաննես Չիլինկիրյանը: Նիցցայից ոչ հեռու գտնվող Կանյ-սյուր-մեր քաղաքում նա ստեղծեց «Ռուբեն Սևակի հիշատակի տունը»: Եզակի մի երևույթ ոչ միայն հայ, այլև համաշխարհային գրականության համար. դա փաստորեն բանաստեղծի տուն-թանգարանն էր՝ հիմնված հայրենիքից դուրս: Թանգարանին կից Հովի, Չիլինկիրյանն ստեղծեց հայ ծովանկարիչների՝ աշխարհում միակ պատկերասրահը, որտեղ հավաքված են Ալվազովսկու, Ջիվանյանի, Մախոխյանի, Ալիսագյանի, Գառուի և այլ հայ կերպարվեստագետների աշխատանքները: Այս ամբողջ հարստությունը, Ռուբեն Սևակի արխիվային նյութերի հետ, մի քանի տարի առաջ նվիրվեց Մայր Աթոռ Ս. Էջմիածնին:

Եվ, վերջապես, այսօր Նիցցայում է ապրում բանաստեղծի դուստրը՝ Շամիրամ Սևակը, որի 100-ամյակը կլրանա այս տարվա հուլիսին:

Ալեքսանդր ԹՈՓՅԱՆ.

Դիտվել է՝ 88943



Մեկնաբանություններ